

Inuit Pathways
Nunatsiavut Government ASETS
P.O. Box 116 Makkovik, NL A0P 1J0

Fonninga: 709-923-2105 AkiKangituk: 1-877-923-2171 Sukkajukkut: 709-923-2347
Kagitaujakkut: inuitpathways@nunatsiavut.com

SuliaKagamut Malittaugialik

Pivalliajuit Ikajutsitauningit

Nunatsiavut kavamangata NunaKakKâsimajut Ilisimagialingit ammalu Suliatsanik Ilinniagamut Pannaigutik (ASETS) Pivalliajut Ikajutsitauningit ikajuKattavut inunnik nottidlugit angigganginnit silatinginnut nunalinnut nanituinnak Canadami suliaKainnialittilugit suliatsamini, piluattumik ilingajunik ilinniasimajanginnut.

Sunauva Pivalliajuit Ikajutsitauningit?

Pivalliajuit Ikajutsitauningit kenaujavut suliatsanut ilingajut immigojut ikajutsitaunitsangit Ilinnianimmini suliaKagamut nunagingitamini. Tugâgutingit Pivalliajuit Ikajutsitauningit ikajutsigunnaKut ikajuttaugumajunik atuinnaulippata suliatsagennaniattangit suliatsani pivitsagijangit nogiaKaguni ilangillu angiggaminit nunagijaminit.

Sunauvat ilaugiamut pijausogijaugialet kenaujaKattitaugiamut?

- Ikajuttaugumajuk ikajuttaugutiKagiaKavuk Labradorimi Inuit Nunamik Satusaijet AngiKatigegutinganut
- Ikajuttaugumajuk suliatsaKangitogiaKavuk taitsumani ottugaliguni;
- Ikajuttaugumajuk tunitjigiaKavuk tatattugesimajumik Pivalliajuit Ikajutsitaugutinganik Tatattugammik;
- Ikajuttaugumajuk takutitsigiaKavuk suliaKainnialluni suliatsatâminik Atitâttausimatillugu allagak suliaKapvisanganut pisimalluni suliaKattisijumit;
- Ikajuttaugumajuk takutitsigiaKavuk akitsanginnik ingiggagamut akiligialinnik angiggaminit nunamit nolluni asianut nunalinnut.

Kinugautet angittauKattajut ingiggainanninginni pusiugialet. Kinugajut pivitsKavut Sitamanit woginit Kinugautingata ullunganit tatattugesimallugu malillugit pusiugialet Takutitsilutik allagammik suliatsagilittaminik ammalu âkKisuillutik ingiggagamut âkKisuttaumajunik.

Sunauvat ilaugiamut akiligialet suliaKagiattugumajunut?

Ilonnangit ubvalu ilatuinnanga ingiggagamut akiligialik ilauttitautillugu tingijokkogiamut Akiliutik, pujulikkut akiligialik, mailinut akiligialet, niKitsanut, ammalu tujummiuvitsamut. Aittotaugunnatut akiligialet ingiggagamut ilingaluavut akikinnipaugasuajutigut ingiggautit-tigut initsanginni suliaKapvisangita.